

BASES REGULADORAS DA CONVOCATORIA DO VII CONCURSO FOTOGRÁFICO PARA O CALENDARIO DO CONCELLO DE TOÉN DO ANO 2022 (EXP. 431/201)

1.- PERSOAS PARTICIPANTES

Poderán participar todas as persoas que o desexen sempre que sexan maiores de idade, ou de ser menores de idade, acheguen unha autorización asinada polos seus pais/nais ou titores/as.

Non poderán participar os/as concelleiros/as da Corporación, os/as empregados/as municipais nin os/as familiares dos/as anteriores de primeiro grao en liña descendente ou ascendente.

2.- TEMÁTICA

As fotografías presentadas deben de ter por temática calquera aspecto relacionado co Concello de Toén (costumes, paisaxe, patrimonio, tradicións, festas ...). Deberase identificar claramente algún elemento que permita recoñecer o Concello de Toén na fotografía.

Todas as fotografías deben de acompañarse dunha breve explicación da súa localización e do que representan.

3.- PRAZO E FORMA DE ENTREGA

O prazo para a presentación das fotografías remata o día 10/11/2021.

A entrega das fotografías pode facerse tanto en papel como en formato dixital e cun límite máximo de 5 fotografías.

Cando se faga a entrega, a persoa deberá de achegar os seus datos persoais (nome, apelidos, DNI e enderezo), a autorización dos pais/nais ou titores/as (de ser o caso) e a forma de contacto (teléfono e enderezo electrónico).

As fotografías poden entregarse:

- No rexistro xeral do Concello de Toén nun sobre pechado indicando 'VII Concurso fotográfico para calendario Concello de Toén ano 2022 (Exp. 431/2021)'.
- Enviando un correo electrónico ao enderezo concello.toen@eidolocal.es.

4.- SELECCIÓN DAS OBRAS

Un xurado nomeado pola Alcaldía seleccionará as 2 fotografías premiadas.

A fotografía que obteña o primeiro premio será a imaxe do calendario do ano 2022 do Concello de Toén.

Os/as autores/as das 2 fotografías premiadas serán notificados/as con anterioridade á súa publicación.

O xurado poderá declarar deserto algún dos premios.

Ningunha persoa participante poderá ser premiada por máis dunha fotografía que presente ao concurso.

A selección do xurado será elevada á Alcaldía, quen formulará proposta de resolución que someterá á Xunta de Goberno Local, como órgano competente para resolver.

O acordo de outorgamento dos premios será obxecto de publicación na sede electrónica municipal (<http://concellodetoen.sedelectronica.es>) e na Base de Datos Nacional de Subvencións (<http://www.infosubvenciones.es>), con expresión das persoas beneficiarias e da contía dos premios concedidos.

5.- PREMIOS

O importe dos premios será o seguinte:

- 1º premio: 150,00 €.
- 2º premio: 100,00 €.

Os premios estarán suxeitos ás retencións que se determine pola lexislación tributaria vixente e faranse efectivos mediante transferencia bancaria ás persoas premiadas, previa presentación dunha declaración responsable, debidamente cuberta e asinada pola persoa solicitante (no caso de ser menor de idade deberá asinala tamén o pai, nai ou titor/a) na que se faga constar que non está incurso/a en prohibición para ser beneficiario/a de subvencións e que está ao corrente no pagamento das obrigas tributarias e de Seguridade Social.

6.- OBXETIVO E PUBLICACIÓN DAS FOTOGRAFÍAS

O obxectivo é elixir a imaxe para o calendario do ano 2022 do Concello de Toén. Ademais, todas as fotografías que se presenten ao concurso poderán ser empregadas para exposicións culturais que organice o Concello de Toén.

7.- DEREITOS SOBRE AS FOTOGRAFÍAS

A participación no concurso conleva a cesión a favor da organización, por parte das persoas concursantes, dos dereitos de reprodución e exposición sobre as obras fotográficas, sempre e cando se empreguen para a promoción do Concello de Toén e sempre sen ánimo de lucro.

A participación neste concurso implica a total aceptación destas bases. As persoas participantes serán plenamente responsables de que non existan dereitos de terceiros das obras presentadas, así como de toda reclamación sobre posibles dereitos de imaxe.

8.- PUBLICIDADE DAS BASES E DA CONVOCATORIA

O texto íntegro das bases publicárase no taboleiro de anuncios da sede electrónica municipal <https://concellodetoen.sedelectronica.es> e na páxina web www.toen.gal. Publicárase un bando municipal con información sobre a convocatoria que será colocado nos taboleiros de anuncios dos núcleos de poboación do Concello.

Toén, na data de sinatura electrónica.

O alcalde

(Documento asinado electronicamente)



Cod. Validación: 9NCD25T4RPWQWRA+6MZLYMFHS | Corrección: <https://concellodetoen.sedelectronica.es/>
Documento asinado electronicamente desde a plataforma xestiona esPublico | Páxina 2 a 2